

**GO BAAKANYETSA BOLOKO**

**JWA PHUTHEGO**

**GO BAAKANYETSA BOLOKO JWA PHUTHETGO**

**GO BAAKANYETSA BOLOKO JWA PHUTHEGO**

**Dithuto tsa Bakeresete ba basha ba baakanyetsa kolobetso**

**Diphuthego Tsa Mabaptist Tsa Botswana**

**Baptist Publications  
P.O. Box 228  
Lobatse, Botswana**

**GO BAAKANYETSA BOLOKO JWA PHUTHEGO**  
Dithuto tsa Bakeresete ba basha ba baakanyetsa kolobetso

**SE GO BUIWANG KAGA SONE**

| <b>KGAOLO</b>                                                                                                  | <b>TSEBE</b> |
|----------------------------------------------------------------------------------------------------------------|--------------|
| Ketapele                                                                                                       | 1            |
| Thuto ya Ntliha    Se Go Nna Mokeresete Se Go Rayang Le Kafa O<br>Tshwanetseng Go Gola Ka Teng O le Mokeresete | 2            |
| Thutho ya Bobedi    Go Bolelela Ba Bangwe Kaga Jesu                                                            | 6            |
| Thuto ya Boraro                      Phuthego (Kereke) ---<br>Kolobetso Le Selalelo Sa Morena                  | 9            |
| Thuto ya Bone    Leano La Modimo La Go Ema-Nokeng Tiro Ya One                                                  | 12           |
| Thuto ya Botlhano    Maemo A Gago Mo Phuthegong Ya Gago                                                        | 15           |
| Thutho ya Borataro                      Tiro E Tona Ya Phuthego<br>Le Baeteledi-pele Ba Yone                   | 19           |
| Pheletso                                                                                                       | 23           |

## KETAPELE

Dithuto tse o di kwaletswe o le Mokeresete yo mosha go go thusa go ipaakanyetsa kolobetso le boloko mo Phuthegong ya Baptist. Di kwaletswe go go thusa go tlhaloganya dilo dingwe kaga Phuthego ya Baptist pele ga o nna leloko ka kolobetso.

O amogetse Keresete e le Mmoloki wa gago. O na le boikutlwelo jwa kagiso mo pelong ya gago jaanong. Jaanong o batla go sala morago Morena mo kolobetsong o bo o nna leloko la Phuthego ya Baptist. Go dira jaana go go ntle thata! Jalo he, dithuto tse di tlaa go thusa go tlhaloganya thata kaga Phuthego ya Baptist. Go na le dilo di le dintsi tse o tlhokang go di itse pele ga o nna leloko.

Re tlaa ithuta eng mo dithutong tse? Re tlaa ithuta mmogo: (1) Se go nna Mokeresete se go rayang, (2) Go bolelela ba bangwe kaga tumelo ya gago mo go Keresete, (3) Phuthego -- Kolobetso le Selalelo sa Morena, (4) Leano la Modimo la go ema-nokeng tiro ya One, (5) Maemo a gago mo phuthegong, le, (6) Tiro e kgolo ya phuthego le baeteledi-pele ba phuthego.

A Morena A go tlhoganolofatse fa o ithuta dithuto tse. Moeteledi-pele wa mophato o o mo go one o o ithutang o tlaa go thusa ka go araba dipotso tse o kaneng o na natso kaga nngwe ya dithuto. Maloko a mangwe a phuthego a tlaa itumelela go go arabela dipotso ka nako nngwe le nngwe. O tlaa nna le botsalano jwa lorato, le maloko a phuthego a ipaakanyeditse go go thusa.

## THUTO YA NTLHA

### SE GO NNA MOKERESETE SE GO RAYANG LE KAFA O TSHWANETSENG GO GOLA KA TENG O LE MOKERESETE

E rile o sokologa mo dibeng tsa gago o bo o ikanya Jesu Keresete e le Mmoloki wa gago, selo sengwe se se gakgamatsang se ne sa go diragalela. Mowa O O Boitshepho wa Modimo O no Wa tla mo botshelong jwa gago Wa ba Wa tsaya sebe sa gago. Tiragalo e, e raya eng? Re ka re e raya gore Jesu Keresete jaanong ke Morena wa botshelo jwa gago. E rile pele ga o nna Mokeresete, o no o na le morena yo mongwe. Satane e ne e le morena wa gago, lefa o no o sa go lemoge. O ne a go bolelela maaka a ba a go gogela mo tseleng e e sa siamang. Mmele wa gago o fetogile "tempela ya Modimo," gonne O nna mo pelong ya gago. Bala 1 Bakorintha 6:19-20.

Tsela e nngwe ya go tlhalosa jaana ka mokgwa o o tshwanang ke go bua o re "o motho yo mosha mo go Keresete." Se ke se se buiwang ke 2 Bakorintha 5:17. Temana e, e re bolelela gore mongwe le mongwe yo o "mo go Keresete" ke sebopiwa se sesha sa Modimo. E raya gore ke "motho yo mosha" kafa se-moweng. E bile temana ya re, "dilo tsa bogologolo di fetile; bonang, di ntse dintsha."

Jaaka "motho yo mosha mo go Keresete," o simolola karolo e ntsha ya botshelo jwa gago. Botshelo jo bosha jo jaaka o le Mokeresete ke nngwe ya **KGOLO**. Botshelo jwa Sekeresete ke botshelo jwa kgolo e e tswelelang mo kitsong ya gago kaga Jesu Keresete le kaga go tlhaloganyana Modimo ga gago le thato (go-rata) ya One mo botshelong jwa gago.

Gompiano ke batla go abalana le wena dilo dingwe tse di tlaa go thusang go gola o le Mokeresete. Di tlhokafala thata mo kgolong ya gago o le Mokeresete. Ngwananyana yo e leng gone a tsalwang o tshwanetse go nna le dijo tse di siameng gore a gole, e bile o tshwanetse go nna le tlhokomelo e e lorato mo mmeleng wa gagwe. E seng jalo, ga a na go gola sentle. Fela jalo go re Mokeresete a gole sentle mo kitsong ya gagwe ka ga Keresete le mo go tlhaloganyeng ga gagwe ga thato (go-rata) ya Modimo mo botshelong jwa gagwe, le ene o tshwanetse go nna le "dijo dingwe tsa se-mowa." "Dijo dingwe tsa se-mowa" ke tse go go thusa gore o gole o le Mokeresete:

#### (1) RAPELA MALATSI OTLHE

Lefa o sa kake wa bua thata mo thapelong, o ka lebogela Modimo matlhogonolo a One. O ka O kopa go go thusa go O direla le go O sala morago ka boammaaruri. Gore o nne Mokeresete yo o golang o tshwanetse go rapela.

**(2) BALA BAEBELE YA GAGO MALATSI OTLHE**

Baebele ke Lefoko la Modimo le le yang kwa go wena o le ngwana wa One. Ka go e bala o bo o reetsa se Baebele e se go bolelelang, o tlaa gola o le Mokeresete. Fa o ka kopa Modimo go go thusa gore o tihaloganye se Baebele e se rutang, O tlaa etelela pele go ithuta ga gago.

**(3) YA KWA KEREKENG KWA O KA OBAMELANG TENG LE BAKERESETTE BA BANGWE**

Baebele e ruta gore Jesu O ne A rata Phuthego (Kerekeng). O simolotse Kereke. O a itumela fa bana ba Gagwe ba phuthegela go Mo obamela. O tlaa bona gore moopelo, thapelo, le go utlwa Lefoko la Modimo le rutwa e bile le rerwa go tlaa go thusa gore o gole o le Mokeresete.

**(4) BOLELELA BA BANGWE SE JESU KERESETTE A SE GO DIRETSENG**

Fa o ntse o ithuta thata kaga Baebele, o tlaa kgona go e dirisa go tihalosetsa ba bangwe kafa le bone ba ka itshwarelwang dibe tsa bone ka teng. Jaaka Mokeresete yo mosha, o ka ne o sa itse thata kaga Baebele. Se letle gore go tihoka go itse Baebele ya gago go go tshwenye. Fa o ntse o gola, kitso ya gago ya Baebele le yone e tlaa gola. Mme le jaanong jaana, o ka bolelela batho ba bangwe se Keresete A se go diretseng. E ke tsela e e botoka go simolola botshelo jwa gago jwa Sekeresete.

Gakologelwa dilo tse nne tse. Di tlaa go thusa go simolola botshelo jwa gago jwa Sekeresete mo tseleng e e siameng, e bile o tlaa simolola go gola o le Mokeresete.

Jaanong o wa Modimo. O ngwana wa One. Ga go na sepe se se ka fetolang boammaaruri joo. O wa One. Go na le ditemana tse dintle mo Baebeleng tse o tlaa batlang go di ithuta gompieno. Re tlaa di ithuta mmogo mo mophatong o o ithutang.

(1) Johane 3:16 -- Temana e, e re bolelela gore re na le **BOTSHELO JO BO SA KHUTLENG** ka go ikanya Jesu Keresete, Morwa Modimo, e le Mmoloki wa rona.

(2) Baroma 8:38-39 -- Ditemana tse di re bolelela gore **GA GO NA SEPE SE SE KA RE KGAOGANYANG** le lorato lwa Modimo.

(3) 2 Timotheo 1:12 -- Temana e, e re bolelela gore **MODIMO O NONOFILE GO DIBELA** se re se O neetseng.

Jaanong, mma ke go gakolole gore rona Bakeresete re nna mo lefatsheng le meleko e tlaa tiang tota kwa go rona e tswa kwa go Satane. Gantsi o tlaa raelwa go dira dilo tse o itseng gore ga di itumedise Modimo. O tshwanetse go dira eng jaanong? Bala 1 Johane 1:9. Temana e, e re bolelela gore Modimo O tlaa re itshwarela dibe tsa rona. Temana e ne e kwaletswa Bakeresete. Fa bana ba Modimo ba leofa, ga O itumele. O tlaa re siamisa O bo O re busetsa mo tseleng e e siameng ya go tshela.

Fa o leofetse motho yo mongwe, o tshwanetse go kopa motho yoo go go itshwarela. Bala Mathaio 5:23-24. Ditemana tse tsa re re tshwanetse go nna boora mmogo le batho ba bangwe pele ga re ka itumedisa Modimo mo kobamelong ya rona. Re tlaa batla go bua thata kaga ditemana tse mo mophatong o o ithutang.

Jaanong, ke batla gore o dire selo se sengwe gape gompleno. Mo ditseleng tse di fa tlase, kwala leina la motho a le mongwe fela kgotsa batho ba bantsi ba o ba itseng ba e seng Bakeresete. Ke go kopa gore o simolole go ba rapelela jaanong. Kopa Modimo go go thusa gore o ba bolelele kaga Jesu. Kopa Modimo go go thusa go ba laletsa kwa kerekeng, kwa ba ka utlwang Lefoko la Modimo le tihalosiwa teng.

---

---

---

### **DIPOTSO TSA GO ITHUTA**

1. Ke ditemana dife tse di go bolelelang gore mmele wa gago ke tempela ya Modimo? 1 Bakorintha \_\_\_\_\_

2. Ke dife dilo tse nne tse o ka di dirang gore o gole o le Mokeresete?

(1) \_\_\_\_\_

(2) \_\_\_\_\_

(3) \_\_\_\_\_

(4) \_\_\_\_\_

3. Kwala ditemana tse di tihlosang boammaaruri jo bo latelang:

- (1) \_\_\_\_\_ Re na le botshelo jo bo sa khutleng ka go ikanya  
mo go Morwa Modimo.
- (2) \_\_\_\_\_ Ga go na sepe se se ka re kgaoganyang le lorato  
lwa Modimo.
- (3) \_\_\_\_\_ Modimo O nonofile go dibela se re O  
neetseng.

4. 1 Johane 1:9 o re bolelela eng? \_\_\_\_\_

\_\_\_\_\_

\_\_\_\_\_

## THUTO YA BOBEDI

### GO BOLELELA BA BANGWE KAGA JESU

Mo thutong e e fetileng re ithutile dilo di le nne tse di tlaa re thusang gore re gole re le Bakeresete. A o ka di gakologelwa? Di le tharo tsa tsone di kwadilwe fa tlase. A o ka kwala sa bone?

- (1) Rapela malatsi otlhe.
- (2) Bala Baebele ya gago malatsi otlhe.
- (3) Ya kwa kerekeng kwa o ka obamelang teng le Bakeresete ba bangwe.
- (4) \_\_\_\_\_

A o no wa gakologelwa gore go bolelela ba bangwe kaga Jesu ke selo sa bone? Gompieno re tlaa bua kaga tsela e e botlhokwa ya go gola o le Mokeresete.

Re ithuta mo Baebeleng gore Paulo e ne e le motlhanka yo mogolo wa Modimo. O boleletse batho ba le bantsi kaga Jesu Keresete. Ba le bantsi ba bone ba ne ba dumela mafoko a gagwe ba be ba nna Bakeresete. Paulo o ne a ba bolelela eng? O ne a ba bolelela se Keresete O se dirileng mo botshelong jwa gagwe --- re bitsa go ba bolelela moo **BOSUPI** jwa gagwe. E bile, nna le wena re na le **BOSUPI**. Modimo O re batla re abalana le ditsala tsa rona tumelo ya rona mo go Keresete. Re ka di bolelela kafa re neng ra ikanya Jesu ka teng le kafa a fetotseng matshelo a rona ka teng. Re ka bolela kafa re itseng ka teng gore re itshwaretsewe dibe tsa rona. Re ka abalana kaga kafa jaanong Modimo O tlhokomelang matshelo a rona ka teng. Baebele ya re Modimo O tla boloka mongwe le mongwe yo o tlaa O bitsang. Se tihabiwe ke ditlhong go bolelela ba bangwe gore jaanong o Mokeresete. Modimo O tlaa dirisa mafoko a gago go ba thusa go nna Bakeresete.

Go na le ditemana dingwe mo Baebeleng tse di tlaa go thusang fa o ntse o bolelela ba bangwe kaga Jesu Keresete. Tsotlhe di bonwa mo lokwalong lwa Baroma. Ditemana tse di tlaa go thusa go ithuta go dirisa Baebele mo go abalaneng Keresete le ba bangwe.

Baroma 3:23.

Gonne botlhe ba leofile, ba tilhaetse kgalaletso ya Modimo. Mo go raya gore motho mongwe le mongwe o leofile e bile o paletsewe ke go itumedisa Modimo. Ga go na motho ope yo o ka dirang diipato, gonne mafoko a ke mafoko a Modimo e seng a motho.

**Baroma 6:23.**

Temana e ya re maduo a boleo ke loso. Mo go raya loso lwa se-mowa, kgotsa kgaogano le Modimo. Fa motho a leofa, o tlaa amogela tuelo ya go leofa. Fano fa, Baebele e dirisa lefoko le le reng "loso" go supa gore moleofi o kgaoganye le Modimo. Baebele e tlhalosa se e ya re, "re sule ka ditlolo." (Bala Baefesia 2:5 le Bakolosa 2:13).

**Baroma 5:8.**

Modimo O supa kafa O re ratang ka teng ka loso lwa ga Jesu Keresete, Morwa One, mo mokgorong. Jesu O sule mo boemong jwa baleofi. Fa re amogela Keresete, re bolokwa mo losong (kgaogano le Modimo, jaanong jaana le ka bo sa khutleng).

**Baroma 10:9-10**

Ditemana tse di supa gore re tshwanetse go dumela mo dipelong tsa rona ra bo ra ipolela ka melomo ya rona gore Jesu ke Morena wa rona. Fa re sa batle go ipolela ka melomo ya rona gore Jesu ke Morena wa rona, ga re kake ra bolokwa mo dibeng tsa rona.

**Baroma 10:13.**

Temana e, e re bolelela gore mongwe le mongwe yo o batlang go goeleletsa kwa go Jesu gore A mmoloke o tlaa itshwarelwa dibe tsa gagwe.

O ithute ditemana tse. Kgona go di bona mo Baebeleng ya gago o bo o di kaele ba bangwe. Satane o batla gore o tshabe. O go batla gore o ikutlwe o sa kake wa kgona go bolelela ba bangwe kaga Keresete. Mme o ka go dira ka thuso ya Modimo. Pele ga o leka go abalana Keresete le ba bangwe, kopa Modimo go go thusa ka go go naya mafoko a a tlhamaletseng go a bua le bone. Batho bangwe ba o buang le bone ba tlaa gana go reetsa bosupi jwa gago. Ba bolelele fela gore o tlaa tswelela ka go ba rapelela. E bile, phuthego ya gago e na le dipampiri tse di bolelang kaga Jesu tse o ka di nayang ba o buang nabo. Dipampiri tsone tse, tse di bolelang kaga Jesu di ka balwa o sena go tsamaya.

A re rapeleleng gore Modimo O etelele pele mongwe le mongwe wa rona go bua le mongwe kaga Keresete gompieno! Mo go ithuteng ga rona ga mophato mo go latelang re tlaa go fa nako go abalana le rona se se neng sa diragala fa o leka go abalana le motho yo mongwe, fa e le gore o eletsa go abalana maitemogelo.

## **DIPOTSO TSA GO ITHUTA**

**1. Kwala ditsela di le nne tse o di ithutileng go gola o le Mokeresete.**

(1) \_\_\_\_\_

(2) \_\_\_\_\_

(3) \_\_\_\_\_

(4) \_\_\_\_\_

**2. Kwala ditemana tse di bolelang boammaaruri jo bo latelang di tswa mo lokwalong lwa Baroma:**

\_\_\_\_\_ Botlhe ba leofile ba tlhaetse kgalaletso ya Modimo.

\_\_\_\_\_ Maduo a bolele ke loso.

\_\_\_\_\_ Dumela mo pelong ya gago o bo o ipolele ka molomo wa gago gore Jesu ke Morena.

\_\_\_\_\_ Lefa e le mang yo o tlaa bitsang leina la Morena o tlaa bolokwa.

**3. O tlaa dira eng fa tsala ya gago e gana go reetsa bosupi jwa gago kaga tumelo ya gago mo go Jesu Keresete?** \_\_\_\_\_

\_\_\_\_\_

## THUTO YA BORARO

### PHUTHEGO [KEREKE] --- KOLOBETSO LE SELALELO SA MORENA

Gompieno re batla go simolola ka go go neela sengwe go se abalana le mophato o o ithutang, maitemogelo a gago mo go lekeng go boelelela motho yo mongwe kaga tumelo ya gago mo go Keresete. A o ithutile sengwe se se tlaa thusang ba bangwe mo mophatong o o ithutang go abalana tumelo ya bone botoka?

Mo thutong ya rona gompieno, re simolola dithuto dingwe kaga phuthego (kereke). E bile re tlaa ithuta ditaolo tse pedi tse Keresete A di neetseng phuthego. Ditaolo tse ke Kolobetsa le Selalelo sa Morena.

Yo o simolotseng Phuthego ke mang? Mo go Mathaio 16:13-18, re bala gore Jesu ke Ene A simolotseng Phuthego. Phuthego ke eng? Mo Baebeleng re utlwa gore phuthego **GA SE KAGO** e Bakeresete ba rakanelang mo go yone go obamela. Phuthego ke batho ba ba dumetseng mo go Jesu Keresete e le Mmoloki e bile ba kolobeditswe. Kago ke mo phuthego e rakanelang teng, mme batho ka sebele ke phuthego. Bakeresete ba ntlha ba ne ba rakanela mo magaeng. Re ka rakanela mo legaeng kgotsa kafa tlase ga setlhare kgotsa gongwe fela. Selo sa botlhokwa go gakologelwa ke gore **BATHO** ke phuthego.

Tlhogo ya Phuthego ke mang? Fa re bala mo go Mathaio 16:13-18, Jesu O rile O tlaa aga Phuthego ya Gagwe. Baebele e re boelelela gore Jesu ke Tlhogo ya Phuthego. Bala Baefesia 1:20-23 le Bakolosa 1:18. Re na le baeteledi-pele ba se-mowa le bathusi mo phuthegong ya rona, mme Jesu ka Sebele ke Tlhogo ya rona.

E bile Baebele e ruta gore maloko otlhe a phuthego ya rona a a lekana. Leloko lengwe le lengwe le na le tshwanelo e e lekanang le ya leloko le lengwe go bua jaaka le rata, mme go tsweng foo re be rotlhe re fetsa mogopolo mo go se re tshwanetseng go se dira re le phuthego. Ka Keresete e le Tlhogo ya phuthego ya rona, mo go raya gore re tshwanetse go rapela thata gore re tle re itse dilo tse Keresete A batlang gore phuthego ya rona e di dire. Re tlaa rapela ka boammaaruri re be re kopa Modimo go re etelela pele, O tlaa re kaela tsela e e siameng re le phuthego.

### DITAOLLO TSA PHUTHEGO

Go na le ditaolo di le pedi, kgotsa dikgakologelo, tse Jesu A re reileng A re re

di dire mo phuthengong. Taolo ya ntlha ke **KOLOBETSO**. Mo go Mathaio 3:13-17, re bala kafa Jesu A neng A kolobediwa ka teng. Go dira jaana go ne ga itumedisa Rraagwe wa Legodimo. E bile go dira jaana ke sekai mo go rona fa re sala morago Jesu. Mo go Mathaio 28:18-20, Jesu O ne A laola balatedi ba Gagwe go dira barutwa (badumedi) mo lefatsheng lotlhe le go ba kolobetsa. E bile re ka bala Baroma 6:3-5. Ditemana tse di re naya setshwantsho se sentle sa se Keresete A se re diretseng. Ke setshwantsho sa kafa madi a ga Keresete a setseng a tlhatswitse dibe tsa rona ka teng. Fa re kolobediwa, re kaela lefatshe se se diragetseng mo dipelong tsa rona. Jaanong, re tlohpha mo pepeneneng go sala morago Jesu ka matshelo a rona.

Re ka re re kolobediwa mabaka a le mararo:

- (1) Re batla go latela sekai sa ga Jesu jaaka Ene ka Sebele A ne A kolobediwa. (Mathaio 3:13-17).
- (2) Jesu O ne A laola barutwa ba Gagwe go kolobetsa ba e neng e nna Bakeresete. (Mathaio 28:19-20).
- (3) Rona ka sebele, re bolela mo pepeneneng tumelo ya rona mo go Jesu, e bile re batla go kaela mongwe le mongwe yo re mo dirileng selo se le sengwe le Bakeresete ba bangwe gore a dirile Jesu ka phuthego. (Baroma 6:4, Ditiro 2:41-42).

Taolo ya bobedi, kgotsa kgakologelo, e Jesu A e neetseng phuthego ke **SELALELO SA MORENA**. Re ka bala kaga taolo e mo go Luke 22:19-20. Ditemana tse di re bolelela kaga selalelo sa bofelo se Jesu A neng A se fa barutwa ba Gagwe. E rile ba sena go ja selalelo sa Tlolaganyo ya Sejuda sa ngwao, Jesu A bolelela barutwa ba Gagwe kaga loso lwa Gagwe mo mokgorong. E rile gape A ngathoganya senkgwe A ba A tsaya senwelo, A ba bolelela gore senkgwe le senwelo di supa loso lwa Gagwe mo mokgorong. Jesu O ne A ba bolelela gore senkgwe ke sesupo sa mmele wa Gagwe o o ntsheditsweng go swela boleo. E rile ba a nwa mo senwelong, e ne e le sesupo sa madi a Gagwe a a neng a tshololwa mo mokgorong ba a tshololelwa. Maikaelelo a Selalelo sa Morena ke go gakologelwa loso lwa ga Jesu A re swela.

Mo go 1 Bakorintha 11:20-29, re bala gore re seka ra a ja ra ba ra a nwa Selalelo sa Morena gore re nne le go le go ntsi go go ja le go go nwa. Re tshwanetse go go dira e le go Mo gakologelwa. E bile ditamana tse di re kaela gore fa re na le boleo mo matshelong a rona, re tshwanetse go ipolela boleo jwa rona mo Modimong pele ga re ka tsaya Selalelo sa Morena. E seng jalo ga re itumedise Morena.

Mo mophatong o o ithutang, moeteledi-pele wa gago o tlaa go thusa go thhaloganya ditaolo tse, kgotsa dikgakologelo, botoka. Fa e le gore o na le

dipotso, o ipaakanyetse go di botsa mo go ithuteng ga mophato kgotsa go di botsa titshara mo sephiring.

Jesu O simolotse Phuthego ka ntlha ya mabaka a le mabedi:

- (1) Gore re tle re rakanele go ithuta thata kaga Ene mo Lefokong la Gagwe re be nonofo mo bokopano le Bakeresete ba bangwe.
- (2) Gore re tle re tswe mo kopanong ya rona re ye go bolelela ba bangwe kaga Keresete.

Jalo he, go botlhokwa thata gore re ne re phuthega. Re tlhoka nonofo ya se-mowa ya kobamelo le bokopano jwa Sekeresete fa re ntse re leka go tshela jaaka Modimo O batla re tshela mo lefatsheng. (Gakologelwa gore go dira jaana ke tsela e nngwe ya ditsela tse nne tsa Mokeresete go gola). Go botlhokwa go gakologelwa selo sengwe ke se. Morago ga kobamelo, re tshwanetse go tswa mo phuthegong ra ya go gapela ba bangwe mo tumelong ya go dumela mo go Keresete.

### DIPOTSO TSA GO ITHUTA

1. Ke mang yo o simolotseng Phuthego?\_\_\_\_\_

2. Araba dipolelo tse di latelang ka go kwala "EE" fa e le gore o bona gore polelo e boammaaruri, le ka go kwala "NNYAA" fa e le gore o bona gore polelo ga e boammaaruri.

(1)\_\_\_\_\_ Bishopo ke Tlhogo ya Phuthego.

(2)\_\_\_\_\_ Batho ruri ke Phuthego.

(3)\_\_\_\_\_ Jesu O reile balatedi ba Gagwe A re ba ye mo lefatsheng lotlhe ba bolelele batho go nna tshiamo.

(4)\_\_\_\_\_ Kolobetso le Selalelo sa Morena di re ruta kaga loso lwa ga Keresete mo mokgorong.

3. Kwala mabaka a le mabedi a a dirileng gore Keresete a simolole Phuthego:

(1)\_\_\_\_\_

(2)\_\_\_\_\_

## THUTO YA BONE

### LEANO LA MODIMO LA GO EMA-NOKENG TIRO YA ONE

Re simolola go ithuta gore Modimo O na le leano le le ntle la matshelo a rona. Re ithutile kaga leano la Modimo la kgolo ya rona ya se-mowa re le Bakesesete. Re ithutile kaga leano la Modimo la go abalana tumelo ya rona le ba bangwe. E bile re ithutile kaga leano la Modimo la rona re le maloko a phuthego.

Modimo O na le leano mo go sengwe le sengwe. O no O na le leano fa O bopa lefatshe. O no O na le leano fa O bopa batho. Re ithutile kaga leano la One la phuthego ya rona --- la bokopano le bosupi mo lefatsheng. Ee, Modimo O dira ka maano.

E bile Modimo O na le leano la tiriso e e siameng ya madi a rona. O re neetse leano go dirisa madi a rona ka botlhale, gape gape, go ema-nokeng tiro ya One mo phuthegong ya gago.

Mo thutong e, re batla go bua kaga tiriso ya madi. Fa re sala morago leano la Modimo, botlhoki jwa phuthego bo tlaa tlhokomelwa, e bile matshelo a rona a tlaa tlhgonolofala. Leano la Modimo ke eng? Re tshwanetse go bula Baebele re bona leano le.

Leano la Modimo la go ema-nokeng tiro ya One ka madi le bolelwa mo Baebeleng yotlhe. Bala Lifitiko 27:30. Temana e, e re bolelela gore "bosome tsotlhe tsa lefatshe...ke tsa ga Jehofa." A o itse gore "bosome" ke eng? Lefoko le le reng "bosome" le raya karolo ya Modimo. Sa-bosome ke karolo e le nngwe fela mo lesomeng, kgotsa lesome la diphesente (10 percent) mo go sengwe le sengwe. Sa-bosome mo go Pula e le nngwe fela ke bo kae? Ke dithebe di le some. Sa-bosome mo Dipuleng di le some ke bo kae? Ke Pula e le nngwe fela. Tiro ya Modimo e tshwanetse go engwa-nokeng ke batho ba One ka go ntsha "bosome", kgotsa diphesente di le some tsa madi a ba a berekelang kgotsa a ba a dirang kwa tirong.

Fa re bala Duteronomie 26:1-2, re ithuta selo sengwe se sele kaga leano la Modimo la sa-bosome. Ditemana tse di re ruta gore sa-bosome e tshwanetse go nna karolo ya NTLHA. Ke gore, karolo ya Modimo e tshwanetse go duelwa pele. Re seka ra neela Modimo karolo e e setseng morago ga re sena go reka dijo le dilo tse dingwe. Fa re duelwa, re neele Modimo karolo ya ntsha ya madi a re a amogetseng. Hong, Modimo O tlaa tlhgonolofatsa madi a rona a a setseng, a re a dirisang go reka dilo tse re di tlhokang. Fa re tshelela Modimo, se Modimo O se re neelang se tlaa dirisiwa mo dilong tse di siameng fela.

Jaanong bala Malaki 3:6-10. Ditemana tse, tsa re fa re sa ise sa-bosome kwa Modimong re O thukhutha karolo e e leng ya One. E bile ditemana tse di re ruta gore fa re ikanyega mo Modimong. O tlaa re tlhgonolofatsa. Tlhgonolofatso ke gore Modimo O ikanyega go tlhokomela batho ba One ba ba O tlotlang mo matshelong a bone.

Go na le ditemana tse dingwe tse ke batlang o di ithuta.

Mathaio 23:23.

Mo temaneng e, Jesu O bua le Bakwadi le Bafarisai. A re sa-bosome se tshwanetse go isiwa kwa Modimong. Sa-bosome se balelwa mo diling tseo tse Jesu A rileng di tshwanetse go dirwa go tlotla Modimo.

2 Bakorintha 9:7.

Lefa e ka ne kabelo e re e nayang Modimo e ka ne e le eng, a e ka ne e le nnye kgotsa e le tona, go botlhokwa gore re e ise ka pelo e e itumelang. Maikaëlelo a rona mo go neeleng Modimo kabelo ya rona ke gore re a O rata e bile re batla go O itumedisa le go O tlotla. Re gakologelwa gore sengwe le sengwe se se molemo se se tlang kwa go rona, se tswa kwa Modimong. O goga matshelo a rona e bile O araba botlhoki jwa rona. Ka kabelo ya rona e re e neelang Modimo, re supa gore re lebogela Modimo se O se re neetseng.

Go na le lokwalo lo longwe lo re tlhokang go lo leba gompieno. Ke 1 Bakorintha 16:1-4. Ditemana tse di na le thuso mo go rona. Di bolela kaga mpho e e neng ya kokoanngwa go thusa Bakeresete ba ba humanegileng mo Jerusalema. Phuthego kwa Jerusalema e ne e humanegile gonne e ne e ntse e le kafa tlase ga pogiso e tona e dirwa ke batho ba ba neng ba ila Bakeresete. Diphuthego tse dingwe tsotlhe di ne di lopilwe ke go thusa mo mphong e. Mo go 1 Bakorintha 16:1-4, Paulo o laya phuthego mo Korintha kafa e tshwanetseng go kokoanya mpho ya yone ka teng. Mo temaneng ya 2, o ba bolelela a re, "...ka letsatsi la ntlha la beke, a mongwe le mongwe wa lona a beele sengwe fa thoko, kafa a bonyeng go bapala ka gone..." "Letsatsi la ntlha la beke" le raya Tshipi, kgotsa Letsatsi la Morena. Motho mongwe le mongwe o ne a tshwanetse go beela madi fa thoko kafa Modimo O mo tlhgonolofaditseng ka teng mo bekeng. Ke kaelo e e siameng mo go rona go e sala morago: go beela madi fa thoko ka metlha yotlhe e le madi a dikabelo tsa rona. Re tshwanetse go ntsha dikabelo kafa Modimo O re tlhgonolofaditseng ka teng. E bile re tshwanetse go gakologelwa gore karolo ya Modimo ke sa-bosome.

Jaanong a re boneng se se diragalang fa re isa ditsabosome tsa rona le dikabelo kwa phuthegong:

(1) Sa ntlha, fa re dira jaana Modimo O itumela kaga rona.

Modimo O nneile botshelo jo bo sa khutleng ka tumelo mo go Jesu Keresete. O tlositse molato wa dibe tsa me. Modimo O mphile go le go ntsi, e bile ke

kgatlha Modimo fa ke isa kabelo e e leng ya One.

(2) Sa-bobedi, tiro ya Modimo e a nonofa e bile tiriso ya madi kgotsa ditshenyegelo tsa phuthego di a tlhokomelwa.

Fa maloko a phuthego a ikanyega mo go ntsheng ditsabosome tsa bone le dikabelo, phuthego e ka dira dilo di le dintsi. Kago e ka agiwa. Tuelo ya moruti e ka duelwa. Dikwalo tsa Sekolo sa Letsatsi la Tshipi le dilo tse dingwe tse di tlhokafalang di ka rekwa. Sa-bosome sa me se ka thusa ba bangwe go ithuta kaga Jesu e le Mmoloki. Gakologelwa, bontlha bongwe jwa tiro ya phuthego ke go bolelela batho ba bangwe kaga Jesu.

(3) Sa-boraro, fa re dira jaana Modimo O solofeditse go tlhgonolofatsa matshelo a rona, e bile re tlaa gola re le Bakeresete.

Re ka bona gore Modimo O a re tlhokomela fa re O tlotla ka go sala morago melao ya One. Ga re kake ra solofela Modimo go tlhgonolofatsa matshelo a rona fa re sa sale morago Lefoko la One. Re tshwanetse go dira se Baebele e se rutang. Fa re sala morago melao ya One, re gola re le Bakeresete.

Jaanong he, a o na le dipotso dingwe tse o ka di botsang kaga thuto e? Titshara e tlaa go thusa gore o tlhaloganye leano le Modimo O nang nalo le la go re thusa go gola re le Bakeresete le go tlhokomela tiro ya One.

Leano la Modimo la matshelo a rona re le Bakeresete ke leano le lentle. Bontlha bongwe jwa leano la Modimo ke go re thusa go dirisa madi a rona ka botlhale. Matlhogonolo a Modimo a balela go araba botlhoki jwa rona le botlhoki jwa phuthego. A re kopeng Modimo go re thusa go tlhaloganya leano la One botoka malatsi otlhe.

### DIPOTSO TSA GO ITHUTA

1. Lefoko le le reng "sa-bosome" le raya eng?\_\_\_\_\_
  2. Kwala ditemana tse di re bolelelang boammaaruri jo bo latelang:
    - (1)\_\_\_\_\_ Sa-bosome sa sengwe le sengwe ke sa Morena.
    - (2)\_\_\_\_\_ Motho o ka thukhutha Modimo fa a sa ntshe sa-bosome.
    - (3)\_\_\_\_\_ Beela fa thoko mpho ya gago ka letsatsi la ntlha la beke.
  3. Sa-bosome mo Dipuleng di le some ke bo kae?\_\_\_\_\_
  4. O ithutile ditsela di le tharo tse kabelo ya gago e thusang mo go tsone fa o e neela phuthego. Bolela nngwe ya tsone ditsela tseo.\_\_\_\_\_
-

## THUTHO YA BOTLHANO

### MAEMO A GAGO MO PHUTHEGONG YA GAGO

Re ntse re bua kaga leano la Modimo le lentle la botshelo jwa gago. Leano la One la gago le ne la go goga gore o nne Mokeresete. Leano la One le balela kgolo ya gago o le Mokeresete. E bile re buile kaga leano la Modimo la madi a gago. Mo dithutong tse pedi tse tsa bofelo re batla go bua kaga leano la Modimo la gago o le leloko la phuthego ya gago.

O amogetse Keresete e le Mmoloki wa gago, jaanong o Mokeresete. Fa o kolobediwa, o tlaa nna leloko la Phuthego ya Baptist. Go na le dilo di le dintsi tse o tlhokang go di itse kaga boloko jwa phuthego ya gago.


Sa-ntlha, o tlhoka go gakologelwa gore go nna Mokeresete le go nna leloko la phuthego ga se dilo tse di tshwanang. Tsotlhe tse di tshwanetse go amana le botsalano jwa gago le Keresete. Mme, go nna Mokeresete le go tsena mo phuthegong ke megopolo e le mebedi e e kgaoganyeng e o tshwanetseng go e dira.

Sa ntlha o ne wa bolokwa. O ne wa nna Mokeresete. Go tsweng foo wa bo o fetsa mogopolo gore o batla go tsena mo phuthegong efe. Fa motho a gopola gore go fetsa mogopolo go tsena phuthegong go mo dira Mokeresete, ga a tlhaloganye thuto ya Baebele. Motho o ka tsena mo phuthegong mme a seka a sokologa. Go tsena mo phuthegong ga go na go fetola maemo a se-mowa a motho. Pele o tshwanetse a tlhomamisa gore o bolokilwe. Go tsweng foo jaaka e le Mokeresete yo mosha, o tshwanetse go fetsa mogopolo gore o batla go tsena mo phuthegong efe. Re lebogela gore o feditse mogopolo go nna selo se le sengwe le rona o le Mobaptist. Re batla go go thusa go tlhaloganya bokopano jwa phuthego e o tshwanetseng go nna leloko le yone.

Phuthego ke eng? O nna tokololo ya eng fa o kolobediwa o bo o tsena mo phuthegong e? Go na le ditsela di le di ntsi tsa go tlhalosa phuthego. Re ka re, "Phuthego ke ba lwapa lwa Modimo ba ba rekolotsweng ba ba neetsweng tiro ya Modimo ka go ikanngwa go emela Keresete mo lefatsheng."

Re rile go nna leloko la phuthego go tshwana le go nna tokololo ya "ba lwapa lwa Modimo ba ba rekolotsweng." Leloko la phuthego mo go ba lwapa lwa Modimo le tsalana le maloko a mangwe a ba lwapa mo ditseleng di le tharo. Le na le ditiro dingwe mo go nngwe le nngwe ya ditsela tse di tsalanang tse. A re lebeng mo ditseleng tse di tsalanang tse jaanong. Re ka akanya kaga tsone

e le setshwantsho se se nang le dikhona di le tharo go re thusa gore re lemoge se re buang ka ga sone. Maloko otlhe a phuthego ya gago a abalana ditsela tse.



1. Botsalano Jwa Me (Ditshwanelo) Le Phuthego Yotlhe.

- (1) Go tsamaya mmogo ka lorato lwa Sekeresete. (Johane 13:34-35).
- (2) Go dira mmogo go tsweledisa pele phuthego. (2 Timotheo 2:15; 2 Bakorintha 7:1).
- (3) Go ema-nokeng kobamelo ya phuthego ka boammaaruri, ditaolo (dikgakologelo), katiso ka melao, le thuto. (Bahebera 10:25; Mathaio 28:19; 1 Bakorintha 11:23-26).
- (4) Go naya phuthego maemo a botlhokwa mo botshelong jwa me. (Mathaio 6:33).
- (5) Go isa kabelo ya be ka boitumelo le ka metlha yotlhe. (1 Bakorintha 16:2).
- (6) Go nna matlhagatlhaga mo tirong ya phuthego gongwe le gongwe kwa ke ka nnang teng. (Ditiro 11:19-21).

**2. Botsalano Jwa Me (Ditshwanelo) Mo Go Nna Le Ba Lwapa Lwa Me.**

(1) Go tlhokomela kobamelo ya ba lwapa le kobamelo ya sephiri.

(1 Bathesalonica 5:17).

(2) Go ruta bana ba me mo dilong tsa se-mowa. (2 Timotheo 3:15).

(3) Go senka poloko ya ba ba latlhegileng. (Ditiro 1:8).

(4) Go tshela botshelo jwa Sekeresete jo bo molemo mo lefatsheng.

(Baefesia 5:15; Bafilipi 2:14-15; 1 Petere 2:11-12).

(5) Go tila palabalo le kgalefo. (Baefesia 4:31; 1 Petere 2:21).

(6) Go tila thekiso le tiriso ya dino tse di tagisang. (Baefesia 5:18; Habakuke 2:15).

(7) Go ikanyega mo go Kertesete mo go direng ditiro tse di molemo.

(Tito 2:14).

**3. Botsalano Jwa Me (Ditshwanelo) le Leloko Lengwe Le Lengwe.**

(1) Go tlhokomelana ka lorato. (1 Petere 1:22).

(2) Go rapelelana. (Jakobe 5:16).

(3) Go thusa mo bolwetseng le mo matshwenyegong. (Bagalatia 6:2; Jakobe 2:1-26).

(4) Go supa kutlwelo botlhoko le bopelonomi. (1 Petere 3:8).

(5) Go aga go ipaakanyeditswe boitshwarelo le tetlano. (Baefesia 4:30-32).

Jaaka o le leloko la phuthego, ga o a gololesega mo dithaelong tsa ga Satane. Ammaaruri, Satane ka malatsi otlhe o leka go dira gore Bakeresete ba seka ba reetsa Modimo. Go gongwe leloko la phuthego le tlaa relela le be le wela mo sebing. Maitseo a rona a tshwanetse a nna jang mo mothong yoo? A re mo ngalela re mo huralela re sa tlhole re na le sepe le ene?

Bala Bagalatia 6:1-2. Ditemana tse di re bolelela gore fa mongwe mo phuthegong a wela mo sebing, re leke go mo thusa. Re tshwanetse go leka go mmusetsa mo tseleng e e siameng ya Modimo. Fa re dira jaana, Baebele ya re re nna kelotlhoko thata gore re seka ra wela mo dithaelong mme ra simolola go leofa fela jalo.

Modimo O neetse bana ba One tsholofetso e ntle go e gakologelwa fa thaelo e tla. Tsholofetso e, e bonwa mo go 1 Bakorintha 10:13. E re bolelela gore Modimo ga O na go leseletsa thaelo epe go nna le nonofo e e fetang ya rona fa re leba kwa go One re raelwa. Modimo O tlaa re naya tsela go falola thaelo.

Jaanong leba mo go Mathaio 18:15-17. Mo ditemaneng tse re bona se se diragalang fa leloko la phuthego le wela mo sebing le be le gana go reetsa ba ba mo phuthegong ba ba lehang go le thusa. Jesu O rile fa mokaulengwe (Mokeresete wa ga eno) a go leofela, pele o ye kwa go ene o leke go siamisa dilo le ene.

Fa a gana go reetsa, hong o tsee mosupi kgotsa basupi ba le babedi mo

phuthegong lo ye kwa go ene gape lo leke go siamisa dilo le ene. Fa a sa ntse a gana go reetsa, kgang eo e isiwe kwa malokong a phuthego. Fa a gana go utlwa le yone phuthego, hong o ka kgaolwa. Mo go raya gore ga a na go tihola a nna leloko la phuthego. Mme morago ga a sena go kgaolwa, fa a eletsa go etela ditirelo tsa phuthego mme a sa di kgoreletse, batho ba mo kaele lorato ba be ba mo letlelele go tsena. Morago ga a sena go kgaolwa, fa a eletsa go sokologa a ba a kopa phuthego go mo tsaya gape, phuthego e ka fetsa mogopolo go dira jalo fa e bona gore o bua ka boammaaruri e bile ga a na boferefere. Re solofela gore mo phuthegong ya rona ga re kitla re tshwanela go kgaola leloko lepe la maloko a phuthego. Lefa go ntse jalo, fa bothata jo bo tla mo phuthegong ya rona, re tihoka go itse se Baebele e se rutang le kafa Modimo O re batlang re dira le bothata jo ka teng.

### DIPOTSO TSA GO ITHUTA

1. Araba dipolelo tse di latelang ka go kwala "EE" fa e le gore o bona gore polelo e boammaaruri, le ka go kwala "NNYAA" fa e le gore o bona gore polelo ga e boammaaruri.

- (1) \_\_\_\_\_ Go tsena mo phuthegong go tshwana le go nna Mokeresete.
- (2) \_\_\_\_\_ Phuthego ke kago e batho ba Modimo ba rakanelang teng go obamela.
- (3) \_\_\_\_\_ Phuthego e ka tihalosiwa e le "batho ba Modimo ba ba rekolotsweng."
- (4) \_\_\_\_\_ Fa o nna Mokeresete, Satane ga a sa tihole a rata go go raela.

2. Jaaka o le leloko la phuthego, o na le ditiro (ditshwanelo) tsa botsalano di le tharo. Di le pedi tsa tsone di kwadilwe fa tlase. A o ka bolela tiro ya boraro?

- (1) Botsalano Jwa Me (Ditshwanelo) Le Phuthego Yotlhe.
- (2) Botsalano Jwa Me (Ditshwanelo) Mo Go Nna le Ba Lwapa Lwa Me.
- (3) \_\_\_\_\_

3. Ke temana efe e e re bolelelang kaga tsholofetso ya Modimo go re golola mo nakong ya thaele? 1 Bakorintha \_\_\_\_\_

4. Ke temana efe e e re bolelelang kafa re ka diranang ka teng le leloko la phuthego le le welang mo sebeng? Mathaio 18: \_\_\_\_\_

## **THUTO YA BORATARO**

### **TIRO E TONA YA PHUTHEGO LE BAETELEDI-PELE BA YONE**

Ka o tshwanetse go nna leloko la phuthego, o tlaa batla go itse thata kaga se o tshwanetseng go se dira o le leloko la phuthego. Tiro e tona ya phuthego ke eng? Baeteledi-pele by yone ke bo mang?

Re setse re rile Keresete ke Tlhogo ya phuthego ya rona. Jaanong, baeteledi-pele ba yone ba se-lefatshe, seemo sa bone ke eng? Re batla go leba dilq tse pedi tse gompieno: (1) tiro e tona ya phuthego, le, (2) baeteledi-pele ba phuthego.

Leloko la phuthego le le batlang go gola e le Mokeresete le batla go nna le kitso e e tletseng kaga phuthego e le leng leloko la yone. Re rile ditiro tse pedi tse di tona tsa phuthego ke (1) go dira ka maikaelelo a go lere batho ba ba latlhegileng kwa tumelong mo go Jesu Keresete, le, (2) go dira ka maikaelelo a go thusa Bakeresete gore ba gole ka dikopano tsa phuthego le bokaulengwe. Tsotlhe tse di kaiwa mo ditaelong tsa ga Jesu A di naya phuthego mo go Mathaio 28:19-20.

### **GO DIRA MO PHUTHEGONG KA MAIKAELELO A GO GAPA BATHO BA BA LATLHEGILENG**

Jesu O tsile mo lefatsheng go boloka batho ba ba latlhegileng. (Bala Luke 19:10). Phuthego e mo lefatsheng ka one maikaelelo a. Gore phuthego e gapele batho ba ba latlhegileng kwa tumelong mo go Keresete, leloko lengwe le lengwe la phuthego le tshwanetse go bolelela batho ba bangwe kaga tsela ya poloko. O ka bolelela batho ba bangwe kaga Keresete ka ditsela di le pedi:

- (1) Go abalana le bone Lefoko la Modimo le se Keresete A se go diretseng.
- (2) Go supa nonofo ya ga Keresete ka tsela e o tshelang ka yone o le Mokeresete.

### **GO DIRA MO PHUTHEGONG KA MAIKAELELO A GO GOLA O LE MOKERESETE.**

Phuthego ga e kake ya diragatsa tiro ya yone ya go bolelela batho ba bangwe kaga Jesu fa e se maloko a yone a gola e le Bakeresete. Jalo he, phuthego nngwe le nngwe e tshwanetse go dirisa nako nngwe ya yone le madi mo go thuseng

maloko a yone go gola mo se-moweng. Go bua jaana go reiwa gore maloko a phuthego a tshwanetse go dirisa nako a rutana. Phuthego ga e a tshwanela go gola mo bolokong fela, maloko a yone a tshwanetse go gola le mo se-moweng. Leloko lengwe le lengwe la phuthego le na le seabe mo tirong e ya phuthego.

Bala 1 Bakorintha 12:12-31 le 1 Bakorintha 13:1.

Mo ditemaneng tse, moaposetoloi Paulo o dirisa mmele wa motho go tlhalosa kafa leloko lengwe le lengwe la phuthego le nang le-seabe sa botlhokwa mo tirong le kgolo ya phuthego. Mo go kwaleleng Phuthego ya Korintha, Paulo o e bolelela gore ke "mmele wa ga Keresete." (Bala 1 Bakorintha 12:27). Leloko lengwe le lengwe le na le tiro ya botlhokwa go e dira jaaka e le tokololo ya mmele wa ga Keresete.

Paulo a re maloko (ditokololo) a a lekalekana mo phuthegong. Mo go raya gore mo phuthegong ga go na pharologano ya lotso lwa batho ka mmala le se-morafe. Batho botlhe fela ba a tshwana mo phuthegong. Botlhe ke ditokololo tsa mmele o le mongwe fela. O ka ipalela se mo go 1 Bakorintha 12:13-18. Paulo o re gakolola gore ditokololo tsotlhe tsa mmele di a lekalekana. Lonao ga lo kake lwa re, ka lonao e se seatla, lonao ga se tokololo ya mmele. Le gone tsebe ga e kake ya re, "Ka ke se leitlho, ga ke tokololo ya mmele."

Bala 1 Bakorintha 12:21-22. "Leitlho ga le kake la raya seatla, la re, ga ke go tlhoke." E bile tlhogo ga e kake ya re dinao ga di botlhokwa. Ditokololo tsotlhe tsa mmele (maloko otlhe a phuthego) di a tlhokafala. Lefa maloko a ka seka a dira tiro e ntsi mo phuthegong, a sa ntse a na le maemo a a botlhokwa mo phuthegong.

Bala 1 Bakorintha 12:22-27. O ka bona gore Paulo a re le tsone ditokololo tsa mmele tse di bonalang eketse ga di botlhokwa thata, ruri ke tsone ditokololo tse di botlhokwa thata mo ditokololong tsotlhe. Mma ke go neye sekai go supa se Paulo a se buang: re ka re mosetsana mongwe o mo ntle thata. Re raya gore sefatlhogo sa gagwe se lebega se itumedisa mo go rona. Mme tota, se se botlhokwa thata kaga gagwe ke eng? A ke sefatlhogo kgotsa pelo ya gagwe? Ke pelo ya gagwe! Gonne, fa pelo ya gagwe e khutla go itaya, o a swa. Fa sefatlhogo sa gagwe se fetoga, ga sena go mo dira gore a swe.

Mo go 1 Bakorintha 12:28-31, Paulo o supa gore Modimo ke One O re nayang maemo a rona mo phuthegong. Maloko otlhe ga a na dineo tse di tshwanang le tiro e e tshwanang go e dira mo phuthegong, lefa maloko otlhe a na le tiro go e dira.

E bile, Paulo o re bolelela mo go 1 Bakorintha 13:1 gore neo e tona mo go tsone tsotlhe e newa leloko lengwe le lengwe la phuthego. Ke efe neo eo e e newang maloko otlhe? Ke neo ya **LORATO**. Ke neo e e botlhokwa thata, neo e e re dirang rotlhe botlhokwa mo phuthegong. Leloko lengwe le lengwe le tshwanetse go dirisa neo ya lone ya lorato mo phuthegong. Ke neo e e botoka e bile ke yone e maloko otlhe a nang nayo.

## BAETELEDI-PELE BA PHUTHEGO

Baebele e ruta gore go na le mefuta e le mebedi ya baeteledi-pele mo phuthegong. Tiro ya bone ke go etelela pele phuthego go dira tiro e phuthego e tshwanetseng go e dira. Ba tshwanetse go itse gore Modimo O ba biditse go dira tiro e, e bile ba tshwanetse go tlhophiwa ke phuthego go dira tiro ya bone.

Mongwe wa baeteledi-pele ke **MORUTI** (Mookami). Ke moeteledi-pele wa se-mowa wa phuthego. Modiri yo mongwe ke **MOTIAKONE** (Mogolowane), lefoko le le rayang "motlhanka" kgotsa "mothusi." Badiri ba tiro ya bone ke go thusa go etelela pele phuthego kafa thateng (go-rata) ya Modimo ya phuthego.

Bala 1 Timotheo 3:1-12. Ditemana tse di re bolelela gore baruti le batiakoni ba tshwanetse go nna batho ba ba ntseng jang. Fa phuthego e batla moruti e senke mongwe yo o nang le dilo tse mo botshelong jwa gagwe. Fa motho a na le dilo tse di molemo tse mo botshelong jwa gagwe, phuthego e be e mo tlhophah, o tlaa dira sentle mo phuthegong. Fa a sena dilo tse mo botshelong jwa gagwe, ga a na go dira sentle e le moeteledi-pele wa se-mowa wa phuthego.

Moruti o tshwanetse go ithuta, go rera, go ruta, go etelela pele, mme letsatsi lengwe o tshwanetse go neela Modimo karabo ya kafa a dirileng tiro ya gagwe ka teng. (Bala Bahebera 13:17 le 1 Petere 5:4). O tshwanetse go etelela pele phuthego kafa dithutong tsa Lefoko la Modimo.

Mo go 1 Timotheo 3:8, lefoko le le reng "bagolwane" (motiakone) le raya "motlhanka." Tiro ya batiakone (bagolwane) e simologile mo phuthegong ya ntlha mo Jerusalema. Banna ba ne ba tlhophiwa ke phuthego gore ba thuse bareri ka go direla phuthego yotlhe. E ne e le banna ba mokgwa o mo ntle (Ditiro 6:3; 1 Timotheo 3:8-13). Go ne go na le batiakone ba supa mo phuthegong ya ntlha, mme palo e e neng e tlhophiwa e ne e le kafa botlhoking jwa phuthego jo bo e lebaganyeng. Mo diphuthegong di le di ntsi, batiakone le moruti ba rakana malatsi otlhe go akanyetsa tiro ya phuthego le go e rapelela. Batiakone botlhe ba tlhophiwa ke phuthego ba tlhopelwa tiro ya bone.

Ke mang yo o dirang megopolo ya botlhokwa ya phuthego a be a e fetsa? Moruti o na le boikarabelo mo kgolong ya se-mowa ya phuthego. Ke "molebedi" (Ke sone se lefoko le le reng "MOOKAMI" le se rayang). Mme ga a dire megopolo yotlhe ya phuthego. Le gone batiakone le bone ga ba dire megopolo ba be ba e fetsa ba le bosii.

Mabaptist a dumela gore Jesu Keresete ke Morena le Tlhogo ya phuthego nngwe le nngwe. Mabaptist a dumela gore tsela e e siameng ya go bona le go sala morago thato (go-rata) ya Modimo ke ka maloko otlhe a phuthego. Leloko lengwe le lengwe le na le tshwanelo go ntsha mogopolo wa lone le go tlhophah mo tirong ya phuthego. Maloko a phuthego a fetsa mogopolo wa se phuthego e tlaa se dirang, ka go tsholetsa diatla go be go balwa diatla go bona ba ba emang nokeng mogopolo oo. Fa ba ba o emeng nokeng ba le ba ntsi o a dirisiwa.

Ke sone se go leng botlhokwa gore leloko lengwe le lengwe la phuthego le nne teng mo dikopanong tsa phuthego ya gagwe.

### DIPOTSO TSA GO ITHUTA

1. Ditrio tse di tona tse pedi tsa phuthego ke:

(1) \_\_\_\_\_

(2) \_\_\_\_\_

2. Go na le ditsela di le pedi tse o ka supang kaga Jesu ka tsone o supetsa batho ba ba latlhegileng. Nngwe ya tsone e kwadilwe fa tlase. A o ka kwala ya bobedi?

(1) Go abalana le bone Lefoko la Modimo le se Keresete A se go diretseng.

(2) \_\_\_\_\_

3, Ke ditemana dife tse di re bolelelang gore maloko otlhe a phuthego a a lekalekana? 1 Bakorintha 12: \_\_\_\_\_

4. Neo ya se-mowa e kgolo mo go tsone tsotlhe ke efe e e abalanwang ka tekatekanyo ke leloko lengwe le lengwe la phuthego? Ke neo ya \_\_\_\_\_

5. Bolela baeteledi-pele ba se-mowa ba le babedi ba phuthego:

(1) \_\_\_\_\_

(2) \_\_\_\_\_

## PHELETSO

Jaanong o feditse dithuto tse. Fa o rata, jaanong o ka kolobediwa wa nna leloko la phuthego e. Ke tlaa go ratela go leba gape mo lokwalong lo longwe mo Baebeleng pele ga o kolobediwa: Bagalatia 5:19-23.

Ditemana tse di re bolelela dilo tse di molemo tse di tshwanetseng go nna bontlha jwa botshelo jwa Mokeresete mongwe le mongwe. E bile di re bolelela kaga dilo tse di maswe tse di mo matshelong a batho ba ba sa bolokwang.

Fa e le gore o sa ntse o dira dingwe tsa dilo tse di maswe tse, go ka nna botoka gore o iketle go fitlhelela o tlogela dilo tse pele ga o kolobediwa. Fa o kolobediwa, mme o bo o tswelela o dira dilo tse di maswe tse, botshelo jwa gago e tlaa nna sekgoreletsi mo tironing ya Modimo mo phuthegong. Go na le dibe di le nne, tse di supiwang fano fa, tse re tlhokang go di leba jaanong jaana:

1. BOAKA -- Boaka bo raya go robala le batho ba o sa ba nyalang.
2. BOLOI -- Boloi e bile bo raya go ya kwa dingakeng tsa boloi go kopa thuso.
3. KILO -- Mokeresete a seka a ila ope, mme a rate batho ba bangwe.
4. BOTAGWA -- Botagwa ke go nwa bojalwa le dino tse dingwe tse di tagisang, kgotsa go dira bojalwa kgotsa go bo rekisetse batho ba bangwe.

Fa e le gore o sa ntse o dira dingwe tsa dilo tse, go ka nna botoko gore o letele go kolobediwa. Fa e le gore o sokologile mo dibeng tse, e bile o ikanya Jesu e le Mmoloki le Morena wa gago, hong o ipaakanyeditse kolobetso. A o ikutlwela mo pelong ya gago gore jaanong o ipaakanyeditse go kolobediwa, kgotsa a o ikutlwela o tshwanetse go iketla? O tshwanetse go araba dipotso tse mo pelong ya gago.

Ke thapelo ya rona gore o ikanye Morena go go thusa le gore o bone boitumelo jo botona mo go direleng Morena ka phuthego ya gago. A Morena A go thuse a be A go tlhoganolofatse fa o ntse o Mo tshelela!